

ERINDISBRÉF FYRIR ÍPRÓTTA- OG TÓMSTUNDANEFND

I. kafli - Skipan nefndarinnar og hlutverk

1. gr.

Ípróttá- og tómstundanefnd er skipuð af sveitarstjórn til fjögurra ára að afloknum bæjar- og sveitarstjórnakosningum. Nefndin fer í umboði sveitarstjórnar með ípróttá- og tómstundamál eftir því sem sveitarstjórn lætur þau til sín taka eða felur nefndinni sérstaklega.

2. gr.

Ípróttá- og tómstundanefnd er skipuð fimm fulltrúum og jafn mörgum til vara. Auk kjörinna fulltrúa hefur sveitarstjóri rétt til að sitja fundi nefndarinnar með málfrelsi og tillögurétti. Oddviti sveitarstjórnar boðar nefndina saman til fyrsta fundar eða ákveður hver skuli gera það nema formaður hafi áður verið valinn af sveitarstjórn. Á þeim fundi skal kjósa formann, varaformann og ritara nema lög eða sveitarstjórn ákveði annað. Ef formaður fellur frá eða forfallast á annan hátt varanlega getur sveitarstjórn ákveðið hvort varaformaður tekur við formennsku í nefndinni eða velur annan í það hlutverk.

3. gr.

Helstu verkefni ípróttá- og tómstundanefndar eru eftirfarandi:

- a. Að vera sveitarstjórn til ráðuneytis í ípróttá- og tómstundamálum og hafa frumkvæði að tillögugerð til sveitarstjórnar á þeim vettvangi.
- b. Að hafa umsjón með rekstri ípróttá- og tómstundamannvirkja í eigu sveitarfélagsins eftir því sem við á og eiga samstarf við aðrar nefndir s. s. skólanefnd um þau viðfangsefni, sem sameiginleg geta talist.
- c. Að gera tillögu að ráðningu forstöðumanns/umsjónarmanns ípróttamannvirkjanna
- d. Að gera tillögu að starfsreglum/erindisbréfi fyrir starfsmenn í málaflokknum.
- e. Að gera tillögu að samþykktum/reglugerðum fyrir þau mannvirki/stofnanir sem nefndin hefur umsjón með.
- f. Að gera tillögu að gjaldskrá fyrir leigu og afnot af þessum mannvirkjum.
- g. Að gera tillögu um styrkveitingar til einstakra verkefna, félaga, stofnana eða einstaklinga enda hafi sveitarstjórn veitt nefndinni umboð til þess.
- h. Að gera tillögu að uppbyggingu á vettvangi ípróttá- og tómstundamála og nýtingu mannvirkja.
- i. Að eiga samstarf við frjáls félagasamtök, sem starfa á þessum vettvangi.
- j. Að leitast við að efla ípróttá- og tómstundastarf innan sveitarfélagsins.
- k. Að annast önnur verkefni á þessum vettvangi eftir því sem sveitarstjórn ákveður eða lög mæla fyrir um.

4. gr.

Ípróttá- og tómstundanefnd fylgist með ástandi þess búnaðar, sem tilheyrir þeim mannvirkjum er undir hana heyra. Hún gerir tillögu til sveitarstjórnar um endurnýjun hans og skulu slíkar tillögur ásamt kostnaðaráætlun liggja fyrir í okt. ár hvert eða fyrr ef sveitarstjórn óskar svo. Sama gildir vilji nefndin koma á framfæri ábendingum um nýja

þjónustu, rekstrarþætti eða framkvæmdir, sem falla undir verksvið hennar.

5. gr.

Íþrótt- og tómstundanefnd skal fylgjast með fjárhagslegri afkomu þess rekstrar, sem hún hefur umsjón með. Hún skal a. m. k. fjórða hvern mánuð afla sér upplýsinga um rekstrarstöðu hvers viðfangsefnis og leita skýringa á frávikum frá fjárhagsáætlun ef um þau er að ræða.

II. kafli - Fundir nefndarinnar og starfshættir

6. gr.

Fundir í íþrótt- og tómstundanefnd skulu haldnir þegar efni liggur fyrir til umfjöllunar en þó ekki sjaldnar enn 4 sinni á ári. Skylt er að boða fund ef meirihluti nefndarmanna æskir þess.

7. gr.

Formaður boðar fund og stýrir honum. Formaður skal ávallt hafa samráð við sveitarstjóra um boðun fundar og kynna honum efni hans. Fundur telst löglega boðaður ef til hans er boðað með minnst tveggja sólahringa fyrirvara. Fundir nefndarinnar skulu að öllu jöfnu boðaðir með skriflegri dagskrá og skal dagskránni fylgja afrit erinda eða annarra skriflegra gagna, sem tengjast dagskrárliðum fundarins. Fundir skulu haldnir fyrir luktum dyrum. Fundur telst ályktunarhæfur ef meirihluti nefndarmanna er mættur og ræður afl atkvæða afgreiðslu mála. Falli atkvæði að jöfnu telst mál fallið.

8. gr.

Fundir íþrótt- og tómstundanefndar skulu skráðir í sérstaka fundargerðarbók eða tölvuskráðir. Við skráningu skal fylgja þeim meginreglum, sem gilda um skráningu fundargerða sveitarsjórnar sbr. 32. gr. samþykktar um stjórn og fundarsköp Eyja-fjarðarsveitar. Fundargerðarbók og öll bréf, erindi, skýrslur og skjöl sem snerta starf nefndarinnar skulu varðveitt á skrifstofu Eyjafjarðarsveitar. Fulltrúar í sveitarstjórn ásamt sveitarstjóra hafa óheftan aðgang að þessum gögnum nema lög ákveði annað.

9. gr.

Þagnarskylda er lögð á herðar þeim sem vegna starfa sinna í íþrótt- og tómstundanefnd hafa fengið upplýsingar um mál, sem ætla má að leynt eigi að fara skv. eðli þeirra eða lögum, hvort sem þau varða einkahagi fólks eða almannahagsmuni. Nefndarmenn skulu undirrita drengskaparheit um þagnarskyldu sína. Þagnarskylda helst áfram þótt nefndarmenn hætti störfum.

10. gr.

Nefndin skal fyrir lok febrúarmánaðar ár hvert hafa skilað til sveitarstjórnar ársskýrslu um störf sín á nýliðnu ári. Sveitarstjórn getur sett nefndum sveitarfélagsins samræmdar reglur um efnistöð og niðurröðun efnis í ársskýrslu.

11. gr.

Íþrótt- og tómstundanefnd leitast við að haga störfum sínum á hverjum tíma í samræmi

við stefnu sveitarstjórnar í málaflokknum og þann fjárhagsramma sem honum er settur. Þá skal hún leitast við að haga störfum sínum þannig að ákvarðanir hennar nýtist í þágu sem flestra íbúa sveitarfélagsins og sú skylda hvílir á hverjum nefndarmanni að setja ávallt almannahagsmuni ofar sérhagsmunum hvort sem í hlut á einstaklingur, hópar, félög eða samtök. Nefndarmenn eru þó ekki bundnir af öðru en sannfæringu sinni, lögum, reglugerðum og samþykkt um stjórn og fundarsköp Eyjafjarðarsveitar í atkvæðagreiðslu á fundum nefndarinnar.

III. kafli - Eftirfylgni

12. gr.

Til að fylgja eftir staðfestum ályktunum eða samþykktum nefndarinnar skal formaður snúa sér til sveitarstjóra. Þurfi frekar eftirfylgni snýr formaður sér til sveitarstjórnar.

IV. kafli - Réttindi og skyldur nefndarfulltrúa

13. gr.

Um réttindi og skyldur nefndarmanna gilda eftir því sem við á ákvæði II. og III. kafla sveitarstjórnarlaga nr. 45/1998, sbr. einnig IV. kafla sömu laga og III. og IV. kafla samþykktar um stjórn og fundarsköp Eyjafjarðarsveitar, sem staðfest var af félagsmálaráðherra 1. júlí 2002. Nefndarmönnum er skylt að kynna sér þessi ákvæði. Samþykktina má finna á heimasíðu Eyjafjarðarsveitar og lög á vef Alþingis.

14. gr.

Fulltrúar í íþrótt- og tómstundanefnd skulu kynna sér þau lög og þær reglugerðir sem gilda um þá málaflokka, sem undir nefndina heyra og samþykktir og reglur sem sveitarstjórn hefur sett. Í þessu samhengi er m.a. bent á eftirfarandi:

- Lög um æskulýðsmál, nr. 24/1970.
- Íþróttalög, nr. 64/1998.
- Reglur og samþykktir sveitarstjórnar um rekstur íþróttamannvirkja, gjaldskrár og starfslýsingar.

Þá er nefndum sveitarfélagsins skylt og rétt að eiga með sér samstarf um málefni sem kunna að skarast með einhverjum hætti eða málefni gefur að öðrum leyti tilefni til.

V. kafli - Gildistaka

15. gr.

Erindisbréf þetta, sem byggir á ákvæðum sveitarstjórnarlaga nr. 45/1998, stjórnisýslulögum nr. 37/1993 og samþykkt um stjórn og fundarsköp Eyjafjarðarsveitar frá 1. júlí 2002, var afgreitt í sveitarstjórn Eyjafjarðarsveitar 18. feb. 2003 til að taka þegar gildi.

Eyjafjarðarsveit 24. feb. 2003
Sveitarstjórinn í Eyjafjarðarsveit